

Koristeći se ovlaštenjima koja su mi data u članu V Aneksa 10. (Sporazum o civilnom provođenju Mirovnog ugovora) Općeg okvirnog sporazuma za mir u Bosni i Hercegovini, prema kojem je Visoki predstavnik konačni autoritet u zemlji u pogledu tumačenja navedenog Sporazuma o provođenju civilnog dijela Mirovnog ugovora; i posebno uzimajući u obzir član II 1. (d) istog sporazuma prema kojem je Visoki predstavnik ovlašten da "pruža pomoć kada to ocijeni neophodnim u iznalaženju rješenja za sve probleme koji se javu u vezi sa civilnim provođenjem";

Pozivajući se na tačku XI 2. Zaključaka Vijeća za implementaciju mira koje se sastalo u Bonu 9. i 10. decembra 1997. godine, u kojoj je Vijeće pozdravilo namjeru Visokog predstavnika da iskoristi svoj konačni autoritet u zemlji u pogledu tumačenja Sporazuma o civilnom provođenju Mirovnog ugovora kako bi pomogao u iznalaženju rješenja za probleme, kako je prethodno rečeno, "donošenjem konačnih odluka, kada to bude smatrao neophodnim", u vezi sa određenim pitanjima, uključujući (u skadu sa podtačkom (c) ove tačke) "mjere u svrhu osiguranja implementacije Mirovnog sporazuma na čitavoj teritoriji Bosne i Hercegovine i njenih entiteta";

Imajući u vidu da je Vijeće za implementaciju mira na sastanku u Madridu, 16. decembra 1998. godine, pozvalo organe vlasti da u potpunosti i bez rezerve sarađuju sa međunarodnom zajednicom na sveobuhvatnoj i dosljednoj strukturnoj reformi platnog sistema, koja se treba okončati do 31. decembra 2000. godine što se podudara sa ukidanjem Zavoda za platni promet do tog datuma;

Konstatirajući da će ulogu i nadležnosti zavoda za platni promet u oblasti privatizacije preuzeti Agencija za privatizaciju u Federaciji Bosne i Hercegovine, i da su zbog toga potrebne izmjene i dopune u Zakonu o utvrđivanju i realizaciji potraživanja građana u procesu privatizacije;

Smatrajućida je neophodno da Zakon o izmjenama i dopunama Zakona o utvrđivanju i realizaciji potraživanja građana u procesu privatizacije stupi na snagu kako bi se utvrdio neophodan zakonski okvir za spomenutu reformu platnog sistema općenito, a konkretno za prenošenje funkcije Zavoda za platni promet u procesu privatizacije na Agenciju za privatizaciju u Federaciji Bosne i Hercegovine;

Na osnovu svega iznesenog, ovim donosim slijedeću Odluku. Zakon koji je sastavni dio ove odluke stupa na snagu, na privremenoj osnovi, sve dok Parlament Federacije Bosne i Hercegovine ne usvoji ovaj zakon u propisanoj formi, bez izmjena i dopuna i bez postavljanja uslova.

Ova odluka stupa na snagu odmah i biće bez odlaganja objavljena u "Službenim novinama Federacije BiH".

ODLUKA
O ZAKONU O IZMJENAMA I DOPUNAMA ZAKONA O UTVRĐIVANJU I
REALIZACIJI POTRAŽIVANJA GRAĐANA U POSTUPKU PRIVATIZACIJE

U Zakon o utvrđivanju i realizaciji potraživanja građana u postupku privatizacije (“Službene novine Federacije BiH“, br. 27/97, 8/99, 45/00), unose se izmjene i dopune koje glase:

Član 1.

U čl. 5., 10., 12., 13., 14. i 16. riječi: “Zavoda za platni promet Federacije Bosne i Hercegovine“ zamjenjuju se riječima: “Agenciji za privatizaciju u Federaciji BiH“.

Član 2.

Ovaj zakon se bez odlaganja objavljuje u “Službenim novinama Federacije BiH“ i stupa na snagu 1. januara 2001. godine ili danom objavljivanja ako objavljivanje nastupi kasnije, a primjenjuje se od dana kada Zavod za platni promet Federacije BiH prestaje da obavlja poslove vezane za proces privatizacije“.